



Vijeće za konkurentnost

Broj: 02-02-895-1/14-XIII
Jablanica, 22.04.2016. godine

Izvod

**iz zapisnika sa XIV sjednice Vijeća za konkurentnost općine Jablanica održane dana
22.04.2016. godine sa početkom u 10 h**

Prisutni: Salem Dedić-Općinski načelnik, Ragib Mehmedagić - predsjednik VZK-a Dženan Mulahasanović-zamjenik predsjednika VZK-a, Damir Šabanović-predsjednik OV Jablanica, Amil Babić - "Babić" d.o.o., Jusuf Džafić-Voćepromet d.o.o., Amela Muratović-predstavnik LER-a, Alma Bajramović - Savez poljoprivrednih udruženja, Kemal Muratović - Biro rada Jablanica, Ajla Munikoza - predstavnik AC Sunce, Esad Ćosić –predstavnik „PROMINVEST“ doo., Ivan Zelenika-predstavnik JP EP HZHB-Radna jedinica Jablanica.

Odsutni: Edin Budim – „Labrador“ doo i Senad Kovačević –restoran „Kovačević“

Predsjednik VZK-a Ragib Mehmedagić je pozdravio sve prisutne, utvrdio da postoji kvorum za rad VZK-a i predložio dnevni red koji je jednoglasno usvojen:

1. Izvod iz zapisnika sa XIII sjednice VZK-a
2. Program poticaja MSP u Općini Jablanica za 2016. Godinu.sugestije
3. Konsultacije sa privrednim sektorom o visini naplate taksi i naknada.
4. Razno.

Ad. 1) Izvod iz zapisnika sa XIII sjednice VZK-a.

Zaključak: Babić Amil je konstatovao da u Izvodu iz zapisnika sa XIII sjednice nedostaje konstatacija da je dogovoreno da se prije distribucije materijala prema OV-u napravi konsultacija sa UPJ, pa je Izvod iz zapisnika nakon glasanja usvojen sa primjedbom.

Ad. 2) Program poticaja MSP u Općini Jablanica za 2016. Godinu

Mulahasanović Dženan daje uvodnu riječ vezano za problematiku programa poticaja MPS u Općini Jablanica, nakon čega je Babić Amil istakao da je prema njegovom mišljenju ovaj program neodrživ, posebno se osvrćući na stavku o privrednicima koji od 1.1.2015. godine pa do dana podnošenja zahtjeva nisu imali umanjeње radnika.

Babić smatra da ovo loše utiče ne privredne subjekte, te da bez obzira na njegov stav o neophodnom provjeravanju ispunjenja kriterija od strane korisnika programa, 1.1.2015. nije trebao naći mjesto u ovom projektu. Kratko se osvrnuo na to da nije pomenut sporazum o prekidu radnog odnosa, naglašavajući da je potrebno napraviti sistem koji će trajati i da se svim zainteresiranim potencijalnim korisnicima programa jasno predoče uslovi i kriterijumi programa.

Mulahasanović Dženan konstatuje da je greška privrednika što se nisu prisustvovali sjednici Vijeća, na što se predsjedavajući VZK oglasio stavom da to nije dosadašnja praksa.

Nadalje, Dženan se kratko osvrnuo i na prijedlog izmjena sa zaključcima na „Program poticaja MPS u Općini Jablanica u 2016. godini“ Udruženja privrednika Jablanica, navodeći uvažene zahtjeve.

Babić Amil navodi da postoji još niz tačaka programa, odnosno postavljenih uslova sa kojima se ne može složiti.

Džafić Jusuf smatra da ovaj program neće imati dugoročne pozitivne efekte na privredu.

Predlaže da se uporede statistički podaci o dosadašnjim rezultatima istog i da se predviđeni novac investira u ideje.

Džafić u daljem izlaganju navodi prijedlog za umanjenje komunalnih taksi, kao dio olakšica privrednim subjektima i prijedlog za određeni poticaj sezonskog rada.

Diskusiju nastavljaju Dženan i Babić, konkretno se dotičući fluktuacije radne snage.

Džafić Jusuf i Ćosić Esad vode raspravu o visini novčanih sredstava koja su predviđena za ulaganje u trgovinski i proizvodni sektor.

Općinski načelnik se obraća prisutnim, nakon što je predsjednik VZK-a postavio pitanje vezano za potencijalne izmjene konkretnih zahtjeva.

Zaključak: Udruženje privrednika će analizirati usvojeni Program poticaja za 2016. godinu i pismeno dostaviti primjedbi na program poticaja. Nakon toga će primjedbe analizirati Služba, te pozvati UPJ na sastanak i pokušati usaglasiti stavove prije eventualnog slanja Izmjena i dopuna Programa poticaja za 2016. godinu na OV-e. Zaključak se usvaja jednoglasno.

Ad. 3) Konsultacije sa privrednim sektorom o visini naplate taksi i naknada.

Muratović Amela je prezentovala važnost koju ima stav privrednog sektora o visini naplate naknada i taksi u procesu BFC, po tom je zamolila prisutne članove VZK-a da ukoliko imaju primjedbe na pomenute takse, iste dostave na nekoj od narednih sjednica Vijeća za konkurentnost.

Džafić Jusuf navodi cifru u KM, koju u toku godine plati na ime naknada i taksi.

Zatim Babić Amil postavlja pitanje koje se odnosi na porez na promet nekretnina.

Općinski načelnik daje odgovor da se u navedenom radi o kantonalnom propisu, a općinskom prihodu.

Zaključak: Nakon što je Amela Muratović prezentirala utvrđene činjenice o taksama Općine Jablanica, ističući kako je u odnosu na okruženje visina taksi i naknada Općine Jablanica najmanja, Vijeće za konkurentnost je jednoglasno zaključilo da će se na jednoj od narednih sjednica razmotriti primjedbe na visinu naknada i taksi, ukoliko budu postojale.

Ad. 4) Razno.

U okviru četvrte tačke dnevnog reda XIV sjednice Vijeća za konkurentnost, raspravljalo se između ostalog o materijalima koje u procesu BFC Općina Jablanica treba da prikupi i prezentira u elektronskoj formi.

Muratović Amela je prisutnim članovima obrazložila na koji način će da učestvuju u postuku kompletiranja potrebnih materijala, što se u pretežno odnosilo na saglasnost pojedinih privrednika kada se bude radilo na snimanju njihovih proizvodnih pogona ili drugih objekata.

Nakon što je iznijela stav da smatra kako je takav projekat u interesu svih prisutnih, jer se u konačnici kompletira prezentacija o Općini Jablanica pa samim tim i njenim privrednim subjektima, Amela je zajedno sa Dženanom zamolila privrednike za saglasnost da se izvodi iz zapisnika sa svih sjednica VZK postave na web stranicu.

Zatim se raspravljalo o korištenju prostorija Muzeja „Bitka za ranjenike na Neretvi“.

Babić Amil je konstatovao da je neophodno riješiti sporni odnos sa direktorom Muzeja „Bitka za ranjenike na Neretvi“.

Članovi su se dotakli problematike koja se odnosi na poslovni inkubator, odnosno korištenje predmetnih prostorija, nakon čega je Dženan istakao da postoji informacija o odluci koju je dodatno potrebno uskladiti, a kojom će se regulisati odnosi iznajmljivanja.

Dženan je predložio da se pokuša naći rješenje koje će biti u interesu Udruženja privrednika, Općine Jablanica i uprave Muzeja.


Zaključak: Vijeće za konkurentnost je nakon kraće rasprave jednoglasno odlučilo da se zapisnici sa prethodnih sjednica mogu transparentno prikazati na stranici Općine Jablanica.

Nadalje, zaključeno je da će se u pogledu rješavanja problematike vezane za korištenje prostorija u Muzeju „Bitka za ranjenike na Neretvi“ u utorak 26.04.2016. održati sastanak predstavnika Općine, predstavnika uprave Muzeja i Udruženja privrednika.

Predsjednik VZK-a zaključuje sjednicu u 12:25 h.

Zapisnik vodila:

Imamović Enida



Predsjednik VZK

Mehmedagić Ragib
